

ESKU-HUSKA. Iazko txapelkunak Mikel Goñi izango du aurkari Eskuz Banakako finalerdietan

Sakea arma denean...

Ruben Belokik mendean hartu zuen Asier Olaizola, lehen kolpeaz 11 tanto egin ostean

BELOKI 22
OLAIZOLA I.a 11

Iraupena: 47 min.
Pilotakadak: 168.
Sakeak: Belokik 11; Olaizola I.ak 5.
Markagailua: 3-0, 3-2, 5-2, 5-6, 14-6, 14-11, 22-11.
Bestelakoak: Gasteizko Ogeta pilotalekua bete egin zen, jaialdiaren distirak eta pilotalekuari izena ematen dion Jose Mari Palacios *Ogeta* pilotari zendu berriari omen egiteko nahiak bultzatuta. Dirua Belokiren alde irten zen, eta hala jarraitu zuen neurketa osoan.

Gorka Erostarbe | **DONOSTIA**

Jotzaileen arteko lehia Ruben Beloki irten zen garaile. Nola iazko txapelkunak hala Asier Olaizolak, egun frontoietan ikus daitezkeen eskuin kolpe distiratsuenetakoak dituzte. Biak dira jotzaile petoak, eta biek dute sake beldurgarria. Burlatarra erretoan ere iaioa da, ordea, eta goizuetarrak hortxe du hutsunerik aipagarriena. Lehena, atzelaria izaki, ohitua dago urte osoan ehunka sake errestatzen. Bigarrenari usadio falta horretatik datorkio, seguruena, gabezia hori. Horretara jarritz gero, eta erretoan trebezia hartuz gero, manomanista handia bilaka daiteke Olaizola I.a. Atzo ere behar baino gehiago huts egin zuen arlo horretan —Belokik 11 sake sartu zizkion—, eta bidea asko erraztu zion arerioari. 22-11 gailendu zuen Beloki.

Pubis aldean zuen mina baretze aldera infiltratuta atera zen Olaizola I.a, eta ongi asko ekin zion neurketari. Eskuinez pilota ohi bezala astinduz, eta ezkerrez ohi baino hobekiago eutsiz, 5-6 jarri zen aurretik. Belokik, ondoren, bere sake bortitza profitatuz, 8 tanto egin zituen erreskadan, eta 14-6 jarri zuen partida. Olaizolaren zortzigarren tanto ederrak —sakearen nagusitasunarengatik ez baltitz— bi pilotari hauen arteko lehiak izan lezakeen handitasunaren eta sor dezakeen gozamenaren berri eman zigun. Pilotakada ikaragarriak, airezko defentsa itzela, sotamanoak erreskadan ... Olaizolak, zabaleraren eginiko bi dejadaren bitartez —bata tantoa izan zen, besteak ahalbidetu egin zuen—, markagailuan urreratzea lortu zuen (14-11). Baina berriro ere sakea laguntzat eta armatzat



JON HERNÁEZ / ARGAZKI PRESS
Ruben Beloki, atzo Gasteizko Ogetan jokatuak partidaren.

JAITSIERA

Imazek mailari eutsi dio eta Berraondok galdu

Tentsioz eta urduritasunez betetako partida jokatu zuten bertan Xabier Imazek eta Aritz Berraondok, Sondikan (Bizkaia). Jokoa zegoenaren garrantziak lotu zituen bi pilotariak, eta ez zuten ez bat ez besteak dutenaren erdirik ere erakutsi. Hitz batean esanda, Imazek hobeto asmatu zion dardara horri eusten, eta horri esker atera zuen partida aurrera. Zazpi tanto lortu zituen sakearekin, eta une oro joan zen markagailuan aurretik. Pisu handi samarra izan zen hori Berraondorentzat. 11-10 hurbiltzea lortu zuen arren, 18-10 apurtu zuen partida Imazek, eta 22-16 irabazi.

Gaur, Bernak eta Xalapakasatu beharko dute trantze beretik, Albeldan (Errioxa). Irabazleak Lehen Mailan jarraituko du, eta galtzailea 2. Mailari jaitsiko da.

harturik, 22raino alde egin zuen Belokik.

Finalerdietan Mikel Goñi izango du aurrez aurre txapelkunak. Batek baino gehiagok izango du gogoan iazko udan biek jokaturiko neurketa gogo-



JON HERNÁEZ / ARGAZKI PRESS
Omenaldi bera eskaini zitzaion atzo Ogeta zendu berriari.

angarria. Partida maiatzaren 5ean jokatzekoa zen berez, baina Belokik eskuin eskua minduta bukatu zuen atzoko partida, eta atzerapena eskutako du.

Eugi jokoa sartuko da gaur, aita izan berritan

Eibarko Beotibar pilotalekuan jokatu da gaur Buruz Buruko Txapelketako azken final-laurdena, Patxi Eugiren eta Imanol Agirreren artean. Agoiztarrak debuta egingo du, beraz, aurtengo ekitaldian, eta duela urtebete eskas Belokiren aurrean galdutako txapela berreskuratzeke aurreneko urratsa egin nahiko du Agirre menderatuz. Eugik bere burua sasoiko ikusten du: «Nahiko ondo nago, bai eskuetatik, bai fisikoki, bai

mentalki. Ia hiru hilabete izan ditut buruz burukoa behar bezala prestatzeko, eta entrenamendu saioetan sentazio onak izan ditut. Halere, ikusi beharko partidaren gauzak entrenamenduetan bezain ongi irten ote zaizkidan...». Partidak badu beste pizgarri berezi bat Eugirentzat. Ostiral gauean aita izan zen bigarren goz, bere emazte Leirek Ane izeneko neskatila munduratu baitzuen. Hari eskaini nahiko dio garai-pena.

Bestalde, Agirre guztiz osatua du ezker eskua —Patxi Ruiz aurka jokaturiko neurketan mindu zitzaion—, eta ezustekoa emateko prest da: «Sakean asmatzen badut, eta pilotoan eusten badiot, neure aukerak izan ditzaket».

PALA

Ziskar II.a-Torrek finalerdietako hirugarren partida behartu dute

Bilboko Deportivo frontoian jokatuak Binakako Txapelketako finalerdietako bigarren partida irabazi eta hirugarrena behartzea lortu zuten atzo Ziskar II.a-Torrek, Insausti-Garmaren kontra (45-36). Maiatzaren 1ean jokatu da partida erabakigarria, Manolo Iturriren omenezko ekitaldien barruan. Jon Torre da egungo palisten artean harekin jokatu zuen bakarra, eta omenaldi onena eskain diezaioke. Iturri zenaren aldeko omenaldia astelehenean bertan aurkeztuko dute, Bilboko Deportivo frontoian.

JAIALDIK

OSTIRALEKO EMAITZAK SONDIKA.

Titin III.a-Zezeaga 22; Capellan-Goñi 18. Eskuz Banakako Txapelketa: Imaz 22; Berraondo 16.

GERNIKA.

2. Mailako: Berasaluze VIII.a 22; Urberuaga 13. Leiza-Albizuri 22; Urretabizkaia anaiak 5.

ATZOKO EMAITZAK OGETA.

Bigarren Mailako Txapelketa: Tirapu 17; Pascual 22. Eskuz Banakako Txapelketa: Beloki 22; Olaizola I.a 11.

GALARRETA.

Iturralde-Lander 35; Larrea-Astibia 34. Iñigo-Eizaguirre 40; Altuna I.a-Etxabe 34. Bitoria-Auzmendi 39; Kalonge-Txikuri 40.

EUSKAL.

Zalakain-Gaztelu 31; Matxin III.a-Barrenetxea II.a 40. Altuna II.a-A. Lekunberri 32; Zeberio II.a-Etxeberria III.a 40. Zeberio III.a-Aizpuru 38; Elizalde-Aizpuru II.a 40. Sarasua-Etxeberria II.a 19; Lezea-Zestau III.a 30.

DEPORTIVO.

Alberdi I.a-Kevin 30; Lander-Iriondo 23.

Lehen Mailako Pala Txapelketako finalerdia: Ziskar II.a-Torre 45;

Insausti-Garma 36. 2. Mailako:

Marin-Ziskar I.a 31; Casado-Ibarra 40.

GAURKO PARTIDAK EIBAR. 17:00 (ETB1)

Titin III.a-Rai / Etxaniz-Lasa III.a. Eskuz Banakako Txapelketa: Eugi / Agirre. 2. Mailako: Galarza V.a / Apeztegia.

ALBELDA. 17:00.

Alustiza-Armendariz / Nagore-Zearra. Eskuz Banakako Txapelketa: Berna / Xala.

NAJERA. 17:00.

Zabala-Jaio / Telleria-Gabarría II.a. Minguez-Fuertes / Legorburu-Erandonea.

OION. 17:30.

Garrido V.a-Marin II.a / Arroyo III.a-Nicolas. Txafee-Galarza IV.a / Etxaniz II.a-Almadoz.

SENPERE. 17:00.

Buruz buruko Elite txapelketako finalerdia: Muskarditz / Biscoubey. Ezkurra / Larretxea.

GALARRETA. 16:00.

Matxin III.a-Barrenetxea II.a / Zeberio III.a-Gaztelu. Elizalde-Etxabe / Altuna II.a-Auzmendi. *Udaberriko Torneo*: Matxin-Badiola / Bereziartua-Etxeberria III.a. Sarasua-Zestau III.a / Iribarren-Urko.